



八十八佛洪名寶懺

## 舉香讚

心香五分。性火初焚。盡空法界遍氤氳。  
凡聖普蒙熏。繚繞烟中。諸佛現全身。

南無香雲蓋菩薩摩訶薩（三稱）

南無本師釋迦牟尼佛（三稱）

## 開經偈

無上甚深微妙法。百千萬劫難遭遇。  
我今見聞得受持。願解如來真實義。

## 禮五十三佛洪名寶懺

觀藥王藥上二菩薩經云。爾時藥上菩薩。為行者稱說過去五十  
三佛名。告言。法子。過去有佛。名曰普光。次名普明。次名  
普淨。次名多摩羅跋栴檀香。次名栴檀光。次名摩尼幢。次名  
歡喜藏摩尼寶積。次名一切世間樂見上大精進。次名摩尼幢燈  
光。次名慧炬照。次名海德光明。次名金剛牢強普散金光。次  
名大強精進通猛。次名大悲光。次名慈力王。次名慈藏。次名  
栴檀窟莊嚴勝。次名賢善首。次名善意。次名廣莊嚴王。次名  
金剛華。次名寶蓋照空自在力王。次名虛空寶華光。次名不動  
智光。次名降伏諸魔王。次名才光明。次名智慧勝。次名彌勒  
仙。次名世淨光。次名善寂月音妙尊智王。次名龍種上尊王。  
次名日月光。次名日月珠光。次名慧幡勝王。次名師子吼自在  
力王。次名妙音勝。次名常光幢。次名觀世燈。次名慧威燈王。  
次名法勝王。次名須彌光。次名須曼那華光。次名優曇鉢羅華

殊勝王。次名大慧力王。次名阿處毗歡喜光。次名無量音聲王。次名才光。次名金海光。次名山海慧自在通王。次名大通光。次名一切法常滿王沸。

爾時藥上菩薩說是過去五十三佛名已。默然而住。爾時行者即于定中得見過去七佛世尊。毘婆尸佛而讚歎言。善哉善哉。善男子。汝所宣說五十三佛乃是過去內遠舊住娑婆世界成熟眾生而般涅槃。若有善男子善女人。及餘一切眾生。得聞是五十三佛名者。是人於百千萬億阿僧祇劫。不墮惡道。若復有人。能稱是五十三佛名者。生生之處。常得值遇十方諸佛。若復有人。能至心敬禮五十三佛者。除滅四重四逆及謗方等皆悉清淨。以是諸佛本誓願故。於念念中即得除滅如上諸罪。尸棄如來。毘舍淨如來。拘留孫如來。拘那含牟尼如來。迦葉如來。亦讚是五十三佛名。亦復讚歎。善男子善女人。能聞是五十三佛名者。能稱名者。能敬禮者除滅罪障如上所說。

爾時釋迦牟尼佛告大眾言。我曾往昔無數劫時。於妙光佛末法之中。出家學道。聞是五十三佛名。聞已合掌。心生歡喜。復教他人。令聞持。他人聞已。展轉相教。乃至三千人。此三千人異口同音。稱諸佛名。一心敬禮。如是敬禮。諸佛因緣功德力故。即得超越無數億劫生死之罪。初千人者華光佛為首。下至毘舍佛。於莊嚴劫得成為佛。過去千佛是也。此中千佛者拘留孫佛為首。下至樓至如來。於賢劫中次第成佛。後千佛者。日光如來為首。下至須彌相。於星宿劫中。當得成佛。佛告寶積。十方現在諸佛善德如來等。亦曾聞是五十三佛名故。於十方面。各皆成佛。若有眾生欲得除滅四重禁罪。欲得懺悔五逆十惡。欲得除滅無根謗法極重之罪。當勤誦藥王藥上二菩薩咒。亦當敬禮七佛。復當敬禮五十三佛。然後遍禮十方無量一切諸佛。晝夜六時。心想明利。猶如流水。行懺悔法。

藥王菩薩咒曰（誦三遍）

阿目佉。摩訶目佉。痤隸。摩訶痤隸。挖翅。摩訶挖翅。常求  
利。摩訶常求利。烏摩致。摩訶烏摩致。挖翅挖翅。摩訶挖翅。  
兜帝兜帝。摩訶兜帝。阿榆阿榆。摩訶阿榆。樓遮迦。摩訶樓  
遮迦。陀賒寐陀賒寐。摩訶陀賒寐。多兜多兜。摩訶多兜。迦  
留尼迦。陀奢羅莎呵。阿竹丘阿竹丘。摩瞪祇。波登雌。遮梯。  
遮樓羅梯。佛馱遮犁。迦留尼迦。莎訶。

藥上菩薩咒曰（誦三遍）

難那牟。浮致浮。留浮丘留浮丘。迦留尼迦。螺牟螺牟迦留尼  
迦。鞞梯鞞梯。迦留尼迦。阿鞞他阿便他。迦留尼  
迦。珊遮羅。莎訶。

大慈大悲愍眾生。大喜大捨濟含識。相好光明以自嚴。眾等至心歸命禮。

南無過去毘婆尸佛

南無尸棄佛

南無毘舍浮佛

南無拘留孫佛

南無拘那含牟尼佛

南無迦葉佛

南無釋迦牟尼佛

南無普光佛

南無普明佛

南無普淨佛

南無多摩羅跋耨檀香佛

南無栴檀光佛

南無摩尼幢佛

南無歡喜藏摩尼寶積佛

南無一切世間樂見上大精進佛

南無摩尼幢燈光佛

南無慧炬照佛

南無海德光明佛

南無金剛牢強普散金光佛

南無大強精進勇猛佛

南無大悲光佛

南無慈力王佛

南無慈藏佛

南無栴檀窟莊嚴勝佛

南無賢善首佛

南無善意佛

南無廣莊嚴王佛



南無金華光佛

南無寶蓋照空自在力王佛

南無虛空寶華光佛

南無琉璃莊嚴佛

南無普現色身光佛

南無不動智光佛

南無降伏諸魔王佛

南無才光明佛

南無智慧勝佛

南無彌勒仙光佛

南無世淨光佛

南無善寂月音妙尊智王佛

南無龍種上尊王佛

南無日月光佛

南無日月光佛

南無慧幡勝王佛

南無師子吼自在力王佛

南無妙音勝佛

南無常光幢佛

南無觀世燈佛

南無慧威燈王佛

南無法勝王佛

南無須彌光佛

南無須曼那華光佛

南無優曇鉢羅華殊勝王佛

南無大慧力王佛

南無阿閼毘歡喜光佛

南無無量音聲王佛

南無才光佛

南無金海光佛

南無山海慧自在通王佛

南無大通光佛

南無一切法常滿王佛

南無過去莊嚴劫千佛

南無現在賢劫千佛

南無未來星宿劫千佛

南無十方一切諸佛

南無藥王菩薩

南無藥上菩薩

## 懺悔文

弟子某甲至心懺悔。自從無始。至於今日。未識佛時。未聞法時。未遇僧時。不知善惡。不信因果。遇不善緣。近惡知識。動身

口意無惡不為。身業不善。行殺、盜、淫。口業不善。妄言、綺語、惡口、兩舌。意業不善。起貪、嗔、癡。殺父殺母。殺阿羅漢。破和合僧。出佛身血。焚燒塔寺。誹謗大乘。侵損常住。汙梵誣僧。犯諸禁戒。作不律儀。自作教他。見聞隨喜。如是等罪。無量無邊。今日披陳。發露懺悔。惟願三寶。同賜哀憐。令我罪根。一念霜融。悉皆清淨。

## 舉讚

五十三佛。過去真慈。三千諸佛轉聞持。  
次第得菩提。我今歸依。唯願度群迷。

南無求懺悔菩薩摩訶薩  
(三稱)

## 回向偈

願消三障諸煩惱。願得智慧正明了。  
普願罪障悉消除。世世常行菩薩道。

## 禮三十五佛洪名寶懺

大寶積云。舍利弗白佛言。世尊是諸菩薩。於貪嗔癡不怖畏耶。佛言。舍利弗。一切菩薩。有二犯戒。何等為二。一者瞋相應犯。二者癡相應犯。如是二犯。名大破戒。舍利弗因貪犯者。為過微細。難可捨離。因嗔犯者。為過麤重。易可捨離。因癡犯者。為過深重。復難捨離。所以者何。貪結能為諸有種子。生死蔓延。連持不絕。以是義故。微細難斷。因嗔犯者。墮於惡趣。可速除斷。因癡犯者。當墮八種大地獄中。難可解脫。復次舍利弗。若有菩薩犯波羅夷者。應對清淨十比丘前。以質直心。殷重懺悔。犯僧殘者。對五淨僧。殷重懺悔。若為女人染心所觸。及因相顧而生愛著。應對一二清淨僧前。殷重懺悔。舍利弗。若諸菩薩。成就五無間罪。犯波羅夷。或犯僧殘戒。犯塔犯僧。及犯餘罪。菩薩應當於三十五佛前晝夜獨處殷重懺悔。應自稱云我某甲歸依佛。歸依法、歸依僧。

## 讚佛偈

天上天下無如佛。十方世界亦無比。  
世間所有我盡見。一切無有如佛者。

南無釋迦牟尼佛

南無金剛不壞佛

南無寶光佛

南無龍尊王佛

南無精進軍佛

南無精進喜佛

南無寶火佛

南無寶月光佛

南無現無愚佛

南無寶月佛

南無無垢佛

南無離垢佛

南無勇施佛

南無清淨佛

南無清淨施佛

南無娑留那佛

南無水天佛

南無堅德佛

南無栴檀功德佛

南無無量掬光佛

南無光德佛

南無無憂德佛

南無那羅延佛

南無功德華佛

南無蓮華光遊戲神通佛



南無財功德佛

南無德念佛

南無善名稱功德佛

南無紅炎帝幢王佛

南無善遊步功德佛

南無鬪戰勝佛

南無善遊步佛

南無周匝莊嚴功德佛

南無寶華遊步佛

南無寶蓮華善住娑羅樹王佛

南無普賢菩薩

南無觀世音菩薩

如是等。一切世界。諸佛世尊。常住在世。是諸世尊。當慈念我。若我此生。若我前生。從無始生死已來。所作眾罪。若自

作若教他作。見作隨喜。若塔若僧。若四方僧物。若自取若教他取。見取隨喜。五無間罪。若自作。若教他作。見作隨喜。十不善道。若自作。若教他作。見作隨喜。所作罪障。或有覆藏。或不覆藏。應墮地獄、餓鬼、畜生。諸餘惡趣。邊地下賤。及蔑戾車。如是等處。所作罪障。今皆懺悔。今諸佛世尊。當證知我。當憶念我。我復於諸佛世尊前。作如是言。若我此生。若我餘生。曾行布施。或守淨戒。乃至施與畜生。一搏之食。或修淨行。所有善根。成就眾生。所有善根。修行菩提。所有善根。及無上智。所有善根。一切合集。校計籌量。皆悉迴向阿耨多羅三藐三菩提。如過去未來現在諸佛。所作迴向。我亦如是迴向。

眾罪皆懺悔。諸福盡隨喜。  
及請佛功德。願成無上智。  
去來現在佛。於眾生最勝。

無量功德海。我今歸命禮。

## 舉讚

三十五佛。現世慈尊。十方法界展慈門。  
處處攝迷倫。拔除罪根。悉令証真源。

南無求懺悔菩薩摩訶薩（三稱）  
摩訶般若波羅蜜。